

**GrønlandsBANKENip inuiaqatigiinni  
akisussaaqataanermini nalunaarutaa**

**2015**

A stylized blue bird logo, possibly a penguin or a similar seabird, is positioned in the lower half of the page. The bird is facing right and is rendered in a solid blue color. It has a white circular eye and a long, pointed beak. The wings are spread, and the tail is visible. The text 'Pakkussineq' is written in a blue, italicized font across the bird's body.

***Pakkussineq***

## Imai

Siulequt.....	3
Nuuk, 23. februar 2016 - Martin Kviesgaard, Aningaaserivimmi pisortaq.....	3
1. Politikki inuiaqatigiinnilu akisussaaqataaneq.....	4
2. Suliat anguniakkallu pingaarnerit 2015.....	6
Aningaasaqarnermik paasisimasaqarneq.....	6
Siunnersorneqarneqarneq taarsigassarsinerlu ajornannginnerusoq.....	9
Inooqataanermi piumassutsimillu suleqataaneq.....	11
Arctic Winter Games 2016.....	11
Nammineq piumassutsimik suliat allat 2015.....	12
3. UN Global Compact – suliat anguniakkallu 2015.....	14
3.a. Avatangiisit nungusaataanngitsumillu ingerlatsineq.....	14
3.b. Inuit pisinnaatitaaffii.....	17
3.c. Sulisut pisinnaatitaaffii.....	18
Ilinniarneq piginnaasanillu ineriartortitsineq.....	18
Sulinermi avatangiisit, isumannaallisaaneq, peqqinerlu.....	19
Peqataatitsineq.....	20
3.d. Peqquserlunnginnissaq.....	20
4. Aningaaseriviup inuiaqatigiinni akisussaaqataanermi sulineranik naliliineq.....	22
5. Tabeli inernerit anguniakkallu 2011-2016.....	23
Qisuariarusuttunut takanna.....	24
.....	24

## Siulequt

GrønlandsBANKip inuiaqatigiinni akisussaaqataanermi suleqataanissaminut pissussaaffeqarneranut aallaaviupput, aningaaseriviup angissusaa, inuiaqatigiinnut, Kalaallit Nunaatalu aningaasaqarneranut pingaaruteqarnera, minnerunngitsumillu pitsaasunik, piginnaasalinnik, torersuunik, aallussisunik, tamatigoortuunillu sulisoqarnera, taakkulu suliamik avataasigut allanik suliaqsinnaanerat.

GrønlandsBANKENip tunngaviusumik inuiaqatigiinni akisussaaneranut aallaaviuvoq (CSR-imi sulinermi), inuiaqatigiinnut, suliffeqarfimmullu ataatsimoorussilluni naleqartitsinerulernissaq. Aningaaserivimmiit niuernikkut ingerlatsinitsinni CSR-imilu suliniutit aqqutigalugit Kalaallit Nunaanni piujuartitsilluni ineriartortsitsinissaq suleqataaffigerusupparput, Kalaallit Nunaatalu anguniagaanut iluaqusseerusulluta (Sustainable Development Goals) nunamut GrønlandsBANKENimullu iluaqutaasumik.

(GrønlandsBANKENip inuiaqatigiinnut akisussaaqataaneranut politikimit tigusaq)

Atuisutta piumasaqaataat, kissaataallu aammalu aningaaseriviup anguniagaat aallavigalugit, immikkut CSR-imi suliassatut toqqagaqarsimavugut, tassalu Kalaallit Nunaanni atuisut, innuttaasullu akornanni aningaasaqarnikkut paasisaqarnerulernissaq.

Aningaasarsiornermik paasisaqarnerlulernernikkut, aningaasanut tunngasutigut pitsaanerpaanik alloriaatissanik aalajangiisoqartarpoq. Periuseq taanna aningaaserivitta ingerlannerani, ulluinnarnilu siunnersuisarnitsinni aallavigaarput. Aammattaaq CSR-imi sulinitsinni sammisat aalajangersimasut eqqumaffigaagut – soorlu meeqqat inuusuttullu ikiortariallit eqqarsaatigalugit – isumaginninnikkut ajornartorsiutit qaangerniarnerani pitsaasunik iliuseqarnikkut. Siunertaavoq Kalaallit Nunaanni innuttaasut inuuniarnerminni qaammaasaqarluarlutik inuunissaat, aammalu aningaasarsiornerup ineriartornerani sunniuteqaqataanissaat.

Periarfissaatillugu, anguiakkatsinnullu naleqqukkaangat pisortat, suliffeqarfiit, kattuffiit, peqatigiiffiillu suleqatigisassavagut. Aamma aningaasarsiornikkut qaammarsaanitsinnut atatillugu, nalinginnaasumik niuerfigisartakkatta avataatigut, siunnersuinerput, taarsigassartitsisarnerpullu annertusassavarput. Aammattaaq sulisutta tamarmik CSR-imut atatillugu suliniutinut peqataasarnerat tapersersortuarusupparput. Taamaammat aningaaserivimmi sulisut suli CSR-imut atatillugu suliffiup nalaani, avataanilu sulinissaminut periarfissaqarput.

UN Global Compact-ip naalernerani upernaag 2013-imi GrønlandsBANKENip neriorsuutigaa FN'-ip Global Compact-imi avatangiisit, inuit pisinnaatitaaffii, sulisut pisinnaatitaaffii, peqquserlunnginnissamullu anguniagai qulit ilannguniarlugit. Aningaaseriviup taakku aalajangersakkat qulit suli tapersersorpai. Taakku saniatigut, nammineq piumassutsimik suliniutit, nungusaataangitsumik ineriartornissamut FN-ip anguniagaanut tulluurtut tapersersorpai.

UN Global Compacts –imi aalajangersakkat qulit aningaaseriviup suliniarneranut ilanngunnerisa saniatigut, nalunaarusiaq una naatsorsuutit pillugit nalunaarummi § 135 & 135a malillugit suliaavoq.

Nuuk, 23. februar 2016 - Martin Kviesgaard, Aningaaserivimmi pisortaq

# 1. Politikki inuiaqatigiinnilu akisussaaqataaneq

December 2015 GrønlandsBANKENip siulersuisuisa [inuiaqatigiini akisussaaqataanermi politikki nutaaq](#) akuersissutigaat. Politikkimut nutaamut aallaaviuvoq aningaaserisiup 2010-imut tunngaviusumik CSR-imut politikkia, taannalu aningaaseriviup attuumassuteqarfiinut apersuinikkut pilersimavoq:


- Sulisut
- Atuisut
- Siulersuisut/piginneqataasut
- Kalaallit Nunaanni politikki
- Pisortat allattoqarfii
- CSR-imi suleqatitit
- Kattuffiit attaviit
- Suliffeqarfiit annerit
- Kalaallit Nunaanni tusagassiorfiit

Apersuinermi ilaatigut kingumut qiviarluni apersuisoqarpoq, GrønlandsBANKENip CSR-imi suliai 2010-2015-imut attuumassuteqarfigisanut nalilertinneqarlutik. Apersuinermi ilaatigut apeqqutit aningaaseriviup piginnaasani atorlugit, sukut inuiaqatigiinni iluaqusiisinaanerneruna, nalitunerulersitsisinaaneralu sammineqarput, aammalu siunissami CSR-imi sulinermi suut pingaarnertutinnegartariaqarnersut.

Attuumassuteqarfigisat/suleqatit kissaataat, aningaaseriviup anguniagai, sulisullu qitiusumik piginnaasaannut naleqquttumik, ataatsimoorussamik CSR-imi anguniagassaq toqqarneqarsimavoq, tassalu aningaasaqarnermik paasisimasaqarnerulersitsinissaq.

Aningaaserivimmiit aningaasaqarnermik paasisimasaqarnerulernissaq anguniarlugu, siunnersuisarnigut, taarsigassarsititsinaanerpullu, pingaarnertut niuerfitta avataatigut annertusassavagut. Aamma sulisutta aningaasaqarnermik paasinninnerulernissamik suleqataasarnertat ingerlatiinnassavarput, aammalu suliniutini CSR-imut tunngasuni, sulinerup nalaani, avataanilu suleqataasinnaanissaat periarfissiisutigissallutigu.

Aningaaseriviup CSR-imi suliniutissaa nutaaq, suli 2016-imut erseqqissarlugu siunissamullu atortussanngorlugu pilersaarusiorneqanngilaq. Taamaammat nalunaarusiami uani 2015-imi CSR-imut atatillugu suliat pingasut assigiimmik pingaarutillit annermik sammineqassapput, takuuk ilusiligaq 1:




Ilusiligaq 1: Politikki inuiaqatigiinnilu akisussaaqataaneq.

- **Aningaasarsiornermik paasisimasaqarnerulersitsinikkut** illoqutigiit amerlanerusut aningaasaqarnerisa pitsaanerulernissaat aqqutissiuunneqassaaq
- **Siunnersuinerup taarsigassarsisinnaannerullu aamma aningaasariviup nalinginnaasumik** niuerfigisisartagaasa avataani annertusarneratigut
- Sulisut **inooqatigiinnermi piumassutsimillu suleqataanermi** peqatigiiffinni, CSR-imilu suliniutini sulisinaanissaannik periarfisinnerisigut.

Piffissami 2010-2015 aningaaserivimmi immikkoortortat akimorlugit taakku pingaartitat pingasut suleqatigiisitaliorneqarsimapput. 2014-ip naanerani aamma aningaaseriviup avatangiisinut suleqatigiisita nungusaataanngitsunik, nukissiuutinillu sipaarnissamik sammisaqartussa q pilersinneqarpoq. Taakku saniatigut aningaaserivimmi sulisut piginnaasaanik ineriartortitsineq, ilinniartitsinerlu aallunneqarsimapput – qulequttat, immikkut suleqatigiisitaqanngikkaluarlutik, ulluinnarni ingerlatsinermi ilanngunneqarsimasut.

Aningaaseriviup inuiaqatigiinnut sullissinera pisortamit akisussaaffihineqarpoq, taassumalu qullersaqatigiit ingerlaavartumik ilisimatittarpai. Aningaaseriviup CSR-ianik suliaqarneq, aqutsisoqatigiinnit ingerlanneqarpoq inuttaallutik pisortaq, CSR-imut allatsi, HR-imut pisortaq, suleqatigiisitanilu akisussaasut, sulisullu aallartitaat ataaseq.



**Ilusiligaq 1: Inuiaqatigiinni akisussaaqataanerup (CSR) aqqissuunneqarnera.**

GrønlandsBANKEN CSR Greenland-imut pilersitseqataallunilu ilaasortaavoq. Marts 2013-imi GrønlandsBANKEN aamma UN Global Compact-imut ilaasortanngorpoq, taanna FN-ip suliffeqarfinnut, kattuffinnullu suliaaraa, aningaaseriviullu tapersorsorlugu. Tassani ilaasortat pisussaapput aalajangersakkat 10-it malissallugit, tassani pineqarlutik: Inuit pisinnaatitaaffii, sulisartut pisinnaatitaaffii, avatangiisit, apeqquserlunnginnissamillu suliniuteqarneq. UN Global Compact-imut ilaasortat pisussaapput ukiut tamaasa aalajangersakkat 10-it tunngavigalugit suliniutiminnik nalunaarusiortassallutik. GrønlandsBANKENip aappassanik ilaasortatut nalunaarusiaa 2015-imi martsimi pivoq, pingajussaanillu marts 2016-imi nalunaarusiorluni.

## 2. Suliat anguniakkallu pingaarnert 2015

### Aningaasaqarnermik paasisimasaqarneq

GrønlandsBANKENimit, Sermitsiaq.AG-imit, ilinniartuniillu børs-ilerituneruit? Nunatsinni atuartut ilinniartullu AktieTips 2015-imit peqataaqullugit kaammattorsigut taama oqarpugut. Peqataanikkut immikkut ilisimasallit ajorsartinneqarsinnaapput, taakkulu saniatigut ajugaasut 25.000 kr-inik pinnattoqarsinnaapput, kiisalu atuartut ilinniartullu ajugaasut 10.000 kr.-innassinnaallutik. Unammineq martsimi aprilimilu ingerlanneqarpoq, ilaatigullu atuarfinni aktiat aningaasaliisarnerrillu pillugit sammisaqartitsineramik aallarniisoqartarluni. AktieTips -erniaraanni aningaasarsiornermi paasisimasaqarluarnissaq iluaqutaasaqaaq, unammisitsinerimimi sammineqarput aktiat assigiinngitsut 13-it qanoq ineriartornerisut eqqoriarneqartussaapput, soorlillu ingerlalluarnerunersut. Taamaammat nuna tamakkerlugu ilinniartoqarfiit assigiinngitsut 10-it aningaaserivimmi ilinniartunit, aningaasaliisarnermilu siunnersortinit pulaarneqarput. Katillutik atuartut klassit 20-it unammisitsinermut peqataaniarlutik nalunaarput, unamminermilu sapaatit akunnerinik sisamanik sivistussuseqartumi peqataallutik.

AktieTips pillugu saqqumilaartitsinerup saniatigut GrønlandsBANKENip 2015-imi atuartunut, piginnaanngorsarluni ilinniartinnut, suliffeqarfinnilu ilinniartunut, aningaasarsiornermik paasisaqarnerunissamik ilinniartitsinini ingerlatiinnarpaa. Qanoq ililluni qaammammut aningaasat qanoq amerlatigisut atorsinnaanerlugit takuneqarsinnaava? Qanoq ililluni aningaasartuutit aqunneqarlutillu, nakkutigineqarsinnaappat? Qanoq ililluni siunissami pisinissamut sipaartoqarsinnaava? Apeqqutit ilaatigut tamakkuupput GrønlandsBANKENip aningaasartuutissanik missingersuusiornermik, aningaasanik atorsinnaasanik, sipaarniuteqarsinnaanermillu ilinniartitsinermini sammisartagai.

Aningaaseriviup aningaasaqarnermik paasisimasaqarnerup suliniutigineranut Qassit.gl 2014-ip naanerani aallartittoq ilaavoq. Taanna meeqqat atuarfiani atuartunut annernut (8.-10. klasse)-inut matematikkimik, inuiaqatigiillernermillu ilinniartitsinermi, ulluinnarni aningaasarnermut atatillugu sammisassaalluni. Spil-it taamaammat atuartunut tigussaasutut suliarineqarsimavoq "Efterskolerusuttunut", "Nammineq angerlarsimaffeqarnermut" aamma "Illoqarfik nutaamut" tunngasunngorlugit suliaapput. Taamaalillutik atuartut ulluinnarni inuunerminni, takorluukkaminillu piviusunngortitsiniarnerminni atugassaminik, aningaasaqarnermut kisitsinernullu piginnaasaqarnerulissapput.



*"Eqqortumik oqassagaanni, aningaaserivimmi ilinniartut AktieTips 2015-imi ajugaaqqajangillat. Kisianni inissinnitta takutippaa, unamminermi peqataasut pikkorissut qassit iluatsittumik ilinniartissimanerigut. Ukioq manna AktieTipsimi Børshaj-it amerlaqaat"*

**Jacob Munkesø**  
Finanstraineer

Qassit.gl ineriartortinneqarpoq Inerisaavik, ilinniarnermillu ilisisimatusarfik, Ilinniartitaanermut, Ilageeqarnermut, Kulturimut, Naligiisitaanermullu Pisortaqarfik, Serious Games Interactive, Deluxus Studio, Voice of Greenland aammalu sulianut assigusunut siunnersorti suleqatigalugu suliaavoq. Ilinniartitsisut, atuartullu immikkut toqqakkat Nuummi atuarfinneersut aamma workshop-ini, immikkut apersuinerni, misileraanernilu peqataasut ilusilersorneranut pingaaruteqarsimapput. Taamaalilluni Qassit.gl atuutinginnermini atuisussat, ilinniartitsisullu eqqarsaatigalugit misilerarluarneqareersimavoq.

Namminersorlutik Oqartussat matematikkimi, inuiaqatigiilerinermilu, ilinniagassatut siunniussaasut Qassit.gl-imi malinneqarput, aammalu ilinniartitsisunut ilitersuutit, atuartunut quppersagaq, kiisalu quppersagaq

aamma alla atuartut kisitsinermi suliassaannik imalik ilaatinneqarlutik.

Taanna browseri atorlugu onlinespil-iuvoq pc, tablets-illu atorlugit atugassiaalluni, kisianni aamma attaveqanngikkaluarluni spili download-erneqarsinnaavoq pc-mut applikation-itut, imaluunniit USB-stick atorlugu.

2015-ip ingerlanerani GrønlandsBANKENip ilaatigut sullitani assigiinngitsut, Qassit.gl-ip atorluarnerunissaa pillugu oqaloqatigisimavai – ilaatigut Inerisaavik, Ilinniartitsisut aamma Piareersarfik (inuusuttunik ilinniagaqanngitsunik suliffeqanngitsunillu piginnaanngorsarfik) aamma Ilinniartitaanermut, Kultureqarnermut, Ilisisimatusarnermut, Ilageeqarnermullu Pisortaqarfik. Oqaloqatigiittarneq tamanna 2016-imi ingerlaannassaaq, aammalu aningaaseriviup Qassit.gl pingaartillugu suleqataaffigissavaa, ilatigut ilinniartitsisut, atuartullu nutaat 8.-10. klasse-miittut peqatigalugit.

Ukiup aappasaanik aningaaseriviup Inuussutissarsiornermut immikoortortaa, kukkunersiusut Deloitte aamma Nuummi Niuernermik Ilinniartitsisut peqatigalugit Business Combat ingerlattarpaa. Business Combat tassaavoq inuussutissarsiutinik ingerlataqartut, niuernermillu ilinniartut akornanni piginnaasatigut unammeqatigiinneq, suliffeqarfimmik piusuusaartitsilluni aqutsinermik imalik. Holdit ilaatigut akinut, nittarsaanermut, nioqqutinut, killilersuinermillu tunngasunik aalajangiisussaapput. Qarasaasiaq naatsorsuereeraangat naatsorsuereeraangat, kvartal-ikkaartumik nalunaarutinik pissapput, aqutaanilu

soorlu niuernermik ingerlatsineq allanngorluni politikikkut aalajangikkat pisuullutik. Ajugaasusarput holdit iluanaaruteqarnerpaat. 2015-imi aappasaanik Business Combat Kalaallit Nunaanni ingerlanneqarpoq, GrønlandsBANKENillu aqqissuussinerit taama ittit, niuernermik ilinniartunut piviusunik unammilligassartallit tapersorsorpai, sumiiffinni inuussutissarsiutinik ingerlatsisunut attaveqarneq, minnerunngitsumillu aningaaqarnermut paasisimasaqarnissaaq.



*“Internetikkut spil-imik matematikkimut, ulluinnarnilu aningaasaqarnermut tunngasumik ineriartortitseqataavunga. Tassa Qassit.gl taannalu ilinniartitsisut atuartunut kisitsinermik aningaasaqarnermillu ilinniartitsissutigisarpaat.”*

**Susanne Lynge Rasmussen**  
Suliniutinik aqutsisoq

GrønlandsBANKENip aningaasaqarnermik paasisimasaqarnerunissamik suliniarnera inuusunnerusunuinnaq samminngilaq. Aningaaserisiup aamma aalisartunut, piniartunut, savaatilinnullu ilinniartitsinerit ingerlattarpai.

2015-ip aasaagaa inissiatileqatigiiffiup INIp nalunaarutigaa, inigisanut qaammammoortumik akiliutaasartut 1. okt. tamarmik Betalingsservice akilerneqartalissasut. Inuppassuit Ini aqutugalugu inillit, ullut 14-ikkaarlugit akissarsisartuupput. Taakku INIp nutaamik aaqiinerani eqqorneqartut pitsaanerpaamik siunnersorlugillu ikiorniarlugit GrønlandsBANKEN ataatsimiisitseqattaarpoq Betalingsservice, missinersuusiornermi konto aamma sillimmasiisarneq pillugu. Ataatsimiisitsinerit soqutiginnittunut tamantu ammasut augustimi septemberimilu Sisimiuni, Qasigiannguani, Ilulissani, Qaqortumilu ingerlanneqarput. Aamma Unnuk kulturisiorfik 2016-imi INIp aaqqissuussaaniq Betalingsservice pillugu paasisitsiniaanermi aningaaserivik peqataavoq.

2015-ip naanerani GrønlandsBANKENip Kommuneqarfik Sermersooq suleqatigalugu pisartagalit aningaasaqarnermut tungasunik marloriarluni pikkorissartippai. Pikkorisaanerni siunertaavoq, aningaaseriviup ulluinnarni siunnersorpiarneq ajugaasa, suliffeqanngitsut, kisimiillutik pilersuisut, siusinaartumillu sulionnaarnersiutillit aningaasaqarnikkut paasisimasaqarnerulerlutillu, namminneq iliuseqarsinnaanerulernissaat. Taama suleqatigiinneq misiliineruvoq, 2016-ip ingerlanerani nalilersorneqarlunilu, naleqqussarneqassalluni. Siunissami anguniagaavoq suleqatigiinnerup annertusarneqarnissaa, atuisullu immikkut pisariaqartitsisut akiligassamikkut siunnersorneqartalernissaat ilannguniarneqarpoq.

2015-ip naanerani GrønlandsBANKENi aamma suliffeqarfinnik aallarnisaaniartunut nutaamik suliniuteqarluni aallartippoq. Tassani internetikkut link-it, sakkussallu banken.gl-imi, soorlu ilaatigut suliffeqarfissamut pilersaarut, suliffeqarfiup suunera, naatsorsuutit, attavissat, akileraarutit, nammineq aningaasalersuineq, qularnaveeqquteqarnerillu aaneqarsinnaalerput.

Tassunga ilaliullugu GrønlandsBANKENip inuusutissarsiornermut immikkoortortaata, ukioq manna akunnerit pilersaarutaasut 125-it sinnerlugit aallarnisaarusuttut siunnersornerinut, oqalugiarnernullu atorsimavaat. Inuusutissarsiornermut immikkoortortaq 2016-imi sinerissami oqalugiaqattaartitsiniarluni pilersaarusiorpoq, aammalu kommunit inuusutissarsiornermut siunnersuisoqatigiiviniq qaninnerusumik suleqateqarniarluni. 2016-imi anguniagaavoq aallarnisaaniartunut, suliffeqarfinnillu tigusiniartunut akunnerit 150-it sinnerlugit atornerqarnissaat.



*”Business Combat atorlugu niuernerimik ilinniartut ulloq ataaseq namminersortuuneq misilittarpaat. Suliffiuteqarneq, tunisinerimilu aningaasaqarneq misilittarpaat. Taakku saniatigut inuusutissarsiuutinik ingerlataqartunik naapitsisarput, takusarlugulu qanoq misilittakkat assigiinngitsut aallaavigalugit aalajangiisartugut.*

**Jesper Hansen**  
Inuusutissarsiuutilinnut pisortaq





*“Katersineq imminut akilertarpoq. GrønlandsBANKENip Angalanissamut kontoa taamaappoq. Nuannareqaarput atuartut pilersaarsiorlutillu eqqarsarluarnerat erniatigut iluaquserluarsinnaagatsigu.*

**Anne Mette Stripp**  
Atuisunut ikiorti

Decemberimi qulequtaq” Kalaallit Nunaanni imminut napatittumik inuussutissarsiutinik ineriartortitsineq-Kalaallit Nunaat nunarsuarmi niuernikkut aningaasarsiornermi”. Inuussutissarsiutilinnut sullissivimmi pisortaq Jesper Hansen, aamma key note speakeriusoq Issittumi ilisimatusarneq pillugu ataatsimiinnermi 2015-imi Aalborg Universitetimi ingerlanneqartumi peqataavoq. Tassani ilaatigut aningaasaliinissamut periarfissat, unammilligassallu saqqummiuppai, aammalu Kalaallit Nunaanni tamarmi aningaasarsiornermik killigititaq sumiinnersoq saqqummiullugu, kiisalu sukut ilisimatuut imminut napatittumik inuussutissarsiornermik ineriartortitsinermi iluaqutaasinnaanersut. Ataatsimeersuarnermi ilisimatuut, inuussutissarsiornermullu attuumassuteqartut 100-it missaat Kalaallit Nunaanniit, Danmarkimiillu peqataapput, ataatsimeersuarnermilu sammineqartut, inernerillu siunissami Issittup ilisimatusarfigineqarnerani pilersaarusiornermut ilannguneqassallutik.

GrønlandsBANKEN Kalaallit Nunaatat tamarmi aningaaserivigaa. 2014-imi tamanna malunnartinneqarpoq, ilaatigut aningaaserivik Air Greenland-ilu suleqatigiinnerisigut paasissassarsiorluni angalanernut billetit akikillisaavigineqarlutik, tamannalu misiliineq 2016 ilanngullugu ingerlanneqassaaq. Tamatumani inuusuttut nunarsuup sinneranut angalarusuttut

tapersorsorniarneqarput, angalanissaannik, aningaasanillu katersinissaannik piuumassuseqalersinniarneqarlutik. GrønlandBANKEN-ip tapiissutaa tassaavoq Angalanissamut konto pitsaasumik 1 %-imik ernialik.

## Siunnersorneqarneqarneq taarsigassarsinerlu ajornannginnerusoq

December 2011-imi GrønlandsBANKEN karsitaqanngitsumik immikkoortortarpoq – apparaq – Aasianni. Tassani innutaasut 3.257-it missaat, Aasianni, eqqaanilu najugallit, pitsaanagerusumik siunnersorneqarnissaannik, taarsigassarsisinnanissaannillu periarfissinneqarput. Aallaqqaammut misiliutaavoq, qaammaamut sapaatip akunnera ataaseq ammasarluni. November 2013-imi immikkoortortaq tamakkiisut ammarneqarpoq, upernaakkullu 2014-imi GrønlandsBANKEN immikkoortortamut nutaamut Edvard Johansenip Aqq. 2.-mut iserterpoq.

2015-imi ukiakkut Aasianni immikkoortortami pisortaq aamma Qeqertarsuup tunuani angalaarpoq. Tamanna pivoq ilaatigut Royal Greenland aamma Kalaallit Forsikring I/F angalaqatigalugit, angalaqatigiit illoqarfinni, nunaqarfinnilu ataatsimiisitsisaarput ukunani: Qeqertarsuaq, Qasigiannugit, Akunnaaq, Kangaatsiaq, Niaqornarsuk, Ikersarsuk aamma Attu. Taakkunani Malene Christensen atuisunik

ataatsimeeqateqartarpoq, immikkut sammillugit taarsigassarsitsinerit, sillimmasiinerit, Netbankilu, aammalu suliffeqarfinni, ilinniarkinna, katersortarfinnilu saqqummiisarlu.

Aasianni, eqqaanilu niuerfiup ilanerata saniatigut GrønlandsBANKEN-ip CSR-imut pilersaarutaa pisuulluni, nunatta kangiani illoqarfiit annersaani Tasiilami 2.093-inik inoqartumi sullissineq annertusisimavoq. Tassunga GrønlandsBANKENip siunnersortai marluk ukiumut marloriarlutik tikeraartarput. Tasiilaq sapaatip akunnera ataatsip missaa najorneqartarpoq, sapinngisamillu inuit ataatsiakkaat amerlasuut siunnersorneqartarlutik, aammalu aningaasaqarnikkut paasisimasarneq, nammineerlunilu immiut sullissinnaanermut tunngasunik Tasiilap atuarfiani, katersortarfimmiluunniit saqqummiisarlutik.

GrønlandsBANKENip Kommuneqarfik Sermersuullu suleqatigiinnissamat isumaqatigiissutaat, Tasiilami innuttaasut kommunip videokonferencimut atortui atorlugit siunnersortiminnik ataatsimeeqateqarsinnaanerat, imminorpiarlu tunngasunik sukumiisumik siunnersorneqarsinnaanerat suli atuuppoq, taamaalillutik telefon, e-mail allakkallu kisimik periarfissaanatik. Aningaaserivimmiit siunnersortit tikikkaangasa naapinnissaat nuannarineqaraluttuinnartoq, videokonferencilu atorluarneqarpallaarani.

2015-imi appaaqqamik taallugit Tunumi angalanerit iluatsilluartut, assillillugit Uummannami eqqaanilu 2.179-it miss. inoqartumi ingerlanneqarput. Aamma tassani kommuni ininik siunnersuinermit atugassanik suleqatigineqarpoq, aammalu atuarfiit, innuttaasullu paasisstutissiivigineqarnissaat siunertaavoq. Pilersaarutit malillugit siunnersuilluni angalasarnerit 2016-imi nalilersorneqassapput.

Ukiuortumik – upernaamiunerusoq – Qaortumi aningaaserivimmi siunnersortit marluk, Narsamut 1.529 miss. inoqartumut tikeraartarput. Tassani illut alakkartertartaat, innuttaasullu ukiup ingerlanerani Qaortumiissimangitsut ataatsimeeqatigisarlugit. Taamatut angalanerit Narsarmiut tamarmik ataatsimiigaaqusaasarput, kingullermik assersuutigalugu taarsigassarseriaaaseq Nutarsaaneq sammeneqarpoq.

Innuttaasunut aningaaserivimmut aalaakkaasumik ornigunneq ajortunut, 2015-imi atuagassiani nuna tamakkerlugu saqqummersarsuni soorlu Anu Una-mi aamma Timi Una-mi siunnersuisarpugut. Allaaserisani naatsorsuusiornermut, ilinniartut aningaasaqarnerannut, juullimullu sipaarsinnaanermut siunnersuutit atuarneqarsinnaapput, ilaatigullu nuna tamakkerlugu radio-kut (KNR)-ikkut eqqartuisoqarpoq, apersorneqarnermillu kinguneqarsimalluni.



*”Ukiuortumut marloriarluta suleqatigalugu Tasiilaliartarput. Angalanitsinni Tunumiut aningaasatigut, periarfissaannik siunnersortarput, soorlu illumik, umiatsiamik, biiliniq, suliffeqarfimmilluunniit aallartitsiniarlutik taarsigassarsiniarpata.”*

**Inger Poulsen**  
Atuisunut siunnersorti



*Mælkebøtten-ip meeqqanut igaffiani nammineq piumassutsinnik suleqataallunga Nuummi aqajaruqqanik kaattunik nerisitseqataasarpunga. Aamma meeqqat peqqinnartunik, assigiinngitsunik nerisassior-nermik ilinniartittarpagut.*

**Rosine Buhrkal**  
Atuisunut ikiorti

## Inooqataanermi piumassutsimillu suleqataaneq

Inooqataaneq, piumassutsimillu suliniarnej pillugu suleqatigiisitaq, aningaaserivik sinnerlugu piumassutsiminnik suliniartunut politikkimik, malerugassanillu suliaqarsimavoq. Tassanilu politikkami tunngaviuvoq, GrønlandsBANKENip inooqataanermi, piumassutsimillu suliniarnermi, Kalaallit Nunaata siunissaanut, inuiaqatigiillu imminut napatittumik ineriartornissaasa qulakkeernissaannut pingaarutilimmik inissisimanagera.

2014-imi aningaaseriviup piumassutsimik suliniarnermi politikkia annertusarneqarpoq, malerugassat, CSR-imilu suliffiup avataanni akunnerit suliffiit immersuiffissaanik pilersitsisoqarluni. 2015-imi aamma maleruagassat taakku, Arctic Winter Games 2016-imut atatillugu, piumassutsimik CSR-imi akunnernik atuinerneq malerugassanik ilaneqarput.

2015-imi akunnerit tunniunneqartut annermik Arctic Winter Games-imut, inooqataanermut, namminerlu piumassutsimik suliniarnermut, meeqqanut inuusuttunullu, ilinniartitaanermut, avatangiisimut, kulturimut, timersonermullu atornerqarput. Taakku saniatigut sulisut aningaasaqarnermut paasinninnerunissamik suliaqarnerat, aningaaseriviullu CSR Greenland-imi suleqataanera nalunaarsorneqarput.

CSR-imut akunnerit atukkat pisariinnerpaanik nalunaarsorsinnaanissaat qulakkerniarlugu ingerlaavartumik suliniuteqarpugut.

## Arctic Winter Games 2016

2014-imi GrønlandsBANKEN Nanoq-mik taallugu tapersiinissamik Arctic Winter Games-imut Nuummi 6.-11. marts 2016 pisussamut isumaqatigiissuteqarpoq, taannalu aqqissuussaq Kalaallit Nunaani maannamut taamatut aqqissussat annersaraat. Aningaasaliinissamut isumaqatigiisummut tapiliullugu aningaaseriviup Arctic Winter Games-imut suliniummot ukuni 2014-2016-imut sulisumi suleqataanissaanik tapersiivoq, aammalu akunnernik CSR-imut atatillugu sulisut piumassutsiminnik suleqataarusuttut atugassanik, issittormiut unammiaarnissaanut immikkoortitsilluni. Taamaliornitsinnut pissutaavoq Arctic Winter Games-it inuusuttut timersornissaanik, ineriartornissaanik, ilungersorlutillu anguniagaqarnissaanik piumassuseqalersittarmagit.

Arctic Winter Games-ip aamma piumassutsiminnik suleqataarusuttut piginnaanngorsartarpai, inuiaqatigiinnilu suleqatigiinnernik nutaanik, Kalaallit Nunaatalu, Grønlands-BANKENiata imminnut

pitsaanerpaamik takutinnissaannut periarfissiilluni. 2015-imi aningaaseriviup sulisuisa 20-it sinnillit, akunnerit nalunaarsorneqarsimasut 319-it sinnerlugit Arctic Winter Games-imut atorsimavaat.

Aningaaserivimmi sulisut annermik Arctic Winter Games'ip aqutsisuini, aningaasanik katersuinianermut, timersornermi angusanut, galla-mullu komite-nut suleqataaffigaat, aammalu Arctic Winter Games-ip allattoqarfiani aningaasaqarnerip ingerlanneqarneranut ikiuusimallutik. Taakku saniatigut aningaaserivimmi sulisut ikiueqqaarnernut, Appa News-ini illunut tamanut agguanneqartartuni usassaarinernut, aningaasaeriviup sinerissami immikkoortortaqrifiini takoqqusaarutinik nivinngartuinernut, allallu suliasanut takkuttunut suleqataasimapput.

GrønlandsBANKENip sulisuminik sulisitsinerata saniatigut, Arctic Winter Games toqqaannartumik aningaasaliiffiqineqarpoq, aammalu soorlu allamiut aningaasaanik aggartitsisinnaanermik akeqanngitsumik periarfissiilluni, AWG-llu pisortatigoortumik nakkaatitsivissaanik sanatitsilluni. Nanoq-mik taallugu tapersiinerit katillugit 1 million kr.-it sinnerpaat.

### Namineq piumassutsimik suliat allat 2015

2014-imi upernaakkut GrønlandsBANKENip aallartippaa "assaat ikiuukkusuttut 230-it", taannalu suli aningaaseriviup immikkoortortaani arfinilinni ersippoq. Tassani oqariartuutigineqarpoq GrønlandsBANKENimi sulisut tamarmik sulinermi nalaani namminneq piumassutsiminnik suliniarnissaminnut periarfissaqartut, akunnerillu 2.000-it

Kalaallit Nunaanni peqatigiiffinnut suliniutinullu tapersiissutissatut atugassanngortinneqartut. Suliniut kattuffiit 12-it qisuariarfigaat, taakkulu tamarmik aningaaseriviup sulisuinit 2014-ip 2015-illu ingerlaneranni ikiorneqarput, ilaallu siunissami pisariaqartitsilissagunik suleqatiginnissaannik neriorsorneqarlutik. Matumani pineqarlutik:

- Nuummi Uumasut (Peqatigiiffik Donnas Dyreklinik)
- Pisiu (Pinerlutsaaliuinermit siunnersuisoqatigiit)
- Unnuarissat
- Røde Kors
- Nuuk Playground/Kommuneqarfik Sermersooq
- Meeqqat pisinnaatitaaffiik sullissivik MIO
- Kalaallit inngertartut peqatigiiffiat
- Red Barnet/Meeqqat Ikiortigit - Kalaallit Nunaat



*"Kalaallit Røde Korsiaata atornikuerniarfiani atisanik immikkoortitaluni nuannertaqaaq. Sapaatit akunneri tamaasa inunnik nutaanik naapitsisarpunga, ataatsimoorlatalu peqatigiiffimmu iluaqutaasumik pisiniarfiup sinneqartoornissaa sulissutigisarpaput."*

**Anne Fog Bondersholt**  
Akiligassanut siunnersorti

- Nanubørn
- Mælkebøtten (meeqqat igaffianut suliniut)
- Neriuffik Kattuffiat i Nuuk
- NSP (ujakkaartartut peqatigiiffiat Nuuk)

2015-imi pineqartunut ikiuinerni, soorlu ujakkaartartut peqatigiiffiata NSP’p unammuartitsinerni kioskia ikiorserneqarpoq, aamma Pinerlutsaaliuinnermut Siunnersuisoqatigiit Pisiup, oqaloqatigiinnermut spiliutaa katersorlugulu, poortorneqarpoq, kiisalu meeqqerivinnut, atuarfinnullu nassiusorneqarluni.

2014-imi upernaakkut GrønlandsBANKEN aamma CSR-imi suleqatigiinnissamik isumaqatigissuteqarpoq Nuummi, Sisimiunilu Unnuarissanut, taannalu isumaqatigiissut 2014-imi ukiakkut, aammalu 2015-imi ukiakkut sivitsorneqarpoq. Sulisut CSR-imut akunnernik Unnuarissani suleqataanissaannut atugassaannik immikkoortitsinerup saniatigut, GrønlandsBANKEN aamma ininik, ilitsivittullu atugassaannik tapersiivoq. Isumaqatigiissummullu tassunga ilanngullugit taartumi seqertinneqarlutik qaammartartut Unnuarissat angalanermi agguaassinnaasaat tunniunneqarput, peqatigiiffiullu ikiueqqaarnermik Nuummi Sisimiunilu pikkorissartitsinerani sutugassaannik sassaalliilluni.

Kræfti unitsinniarlugu nuna tamakkerlugu katersuiniarnermi 2015-imi martsimi ingerlanneqartumi, aningaaserivimmi sulisut 6-it piumasutsiminnik suleqataapput. Aningaasat tunniunneqartut nalunaarsornerisa saniatigut, sulisugut aningaaseriviup tunniussaannik 30.820 kr.—inik, AktieTips 2015-imut siusinnerusukkut taasatsinnut, peqataaniarlutik nalunaarsimasut aallaavigalugit, angissusilikkamik tunissuteqarput. 2015-imi ukiakkut aamma sulisut 7-it Red Barnet-imut nuna tamakkerlugu katersuiniarnermi suleqataapput. Aamma tassani aningaaserivik tunissuteqarpoq – tamatumuunakkut katillugit 20.000 k.-inik.

2015-imi junimi aningaaseriviup sulisui aamma peqataaqqipput, tamatumuuna sulisut 20-it CSR Greenlandip Saligaatsumi saleeqatigiisitsinerani. 2011-imiilli Saligaatsoq ukiut tamaasa Nuummi ingerlanneqartarpoq, aammalu Sisimiuni, Ilulissanilu ingerlanneqartarlersimalluni. 2015-imilu siullermeersumik Kalaallit Nunaanni illoqarfinni annerni tamani ingerlanneqarpoq. Taamaammat tassani GrønlandsBANKENip immikkoortortaqarfii tamarmik avatangiisit mingunnerulernissaanut peqataapput.

2015-imi sulisut ataasiakkaat peqatigiiffinni suleqataasarsimapput, siulittaasuullutik imaluunniit aningaaserisuullutik, ilaatigut Kalaallit Røde Korsiani, Unnuarissani aamma Nuummi Uumasuni (Donnas Dyreklinik-ip peqatigiiffitaani). Aningaaserivimmi sulisut allat Røde Korsip atoqqiissarfiani atisanik immikkoortiterisarpur imaluunniit peqatigiiffiup aqqissugaanik ikiueqqaarnernut pikkorissaatitsisarlutik.

Allat aamma Peqatigiiffimmi Kalaallit Meerartaani Sapiik-mi ilinniarnissamut piareersaanermik suliniummi, sumiiffinni timersoqatigiiffinni imaluunniit Mælbebøtten-ip meeqqanut igaffiani peqataasarput. Taakku saniatigut CSR Greenland-ip aqqissusugaanik avatangiisinut suliniummi ”Clean Greenland- Green Companies”-imi aammalu ilinniartitsinernut atatillugu suliniummut ”Suliffeqarfiit atuarfinnut- atuarfiit suliffeqarfinnut” akunnerit atorqeersimallutik.

2015-imi siunertaavoq minnerpaamik akunnerit 1.135 –it inooqataanermi, piumasutsimillu sulinnermut atorqeersasut. 2015-imulli anguniagaq 134,5 % -imik (akunnerit 1.527-it) qaangerneqarput. 2014-imut sanilliullugu 114 % -iuvoq, 2013-imi 67 %-iulluni, 2012-imi 24 %-iuvoq, 2011-imilu 28 %-iulluni.

2015-imi sulisut 65-it sinnillit nammineq piumassutsiminnik, inooqataanermilu aningaaseriviup CSR-imut akunnerit atugassiai atorlugit sulisimapput (2014-imi 62-it, 2013-imi 40-it, 2012-imi 30-it & 2011-imi 34-it). Ukioq mannalua aammaarluta amerleriarsimaneri takusinnaavarput.

Aningaaseriviup siunissaq ungasinnerusooq isigalugu inooqataanermi, piumassutsimillu suliaqarnermi, GrønlandsBANKENimi sulinermit akunnerit atornerqartartut taakku 1 % -erissagaat anguniarneqarpoq.



*”Kræfti unitsinniarlugu  
katersuiniarnermi nammineq  
piumassutsinnik  
suleqataavunga, ajaga  
nappaammut kræftimut  
annaanikuuara, taamaammat  
iluaqaaq suleqataalluni.”*

**Julius Egede Petersen**  
Aningaasaqarnermut  
ilinniartoq

2016-imut anguniarneqarpoq katillugit akunnerit 1.800-it aningaaseriviup CSR-imut atussagai, taakkunanngalu minnerpaamik akunnerit 900-it Arctic Winter Games-imut atornerqassasut, akunnerillu 200-it missaat aningaasaqarnermik paasisitsiniaanermut atornerqassasut.

### 3. UN Global Compact – suliat anguniakkallu 2015

2013-imi martsimi GrønlandsBANKEN Kalaallit Nunaanni suliffeqarfiit UN Global Compact-imut ilaasortannngornissamut akuerisaasut aappassaraat. UN Global Compact-imut ilaasortaaneq, nunarsuarmi tamarmi najoqqutassat 10-it avatangiisinut, inuit pisinnaatitaaffiit, sulisartut pisinnaatitaaffiit, peqquserlunnginnissamullu suliniarnermut suleqataanissamik pisussaaffiliisarpoq.

Taamaammat aningaaseriviup 2015-imut [inuiaqatigiinni akisussaaqataanermi politikkiata nutaap](#) erseqqissarlugulu, naqissuserpaa, UN Global Compact-ip aalajangersaagaanik malinninnerput, suliffeqarfittullu ingerlatsinitsinni akisussaasuseqartumik ingerlatsinerput.

#### 3.a. Avatangiisit nungusaataanngitsumillu ingerlatsineq

2014-imi 2015-imilu GrønlandsBANKEN-ip avatangiisinik mianerinnilluni suliniarnini annertusarpaa. Taamaammat 2014-imi upernaakkut [avatangiisit pillugit politikkip](#) tunngavissai suliarineqarput, aningaaseriviup UN Global Compact-imut tapersersuina aallaavigalugu.

GrønlandsBANKENip avatangiisinut akisussaaqataanerminut atatillugu, suliami aningaasatigut, inuiaqatigiinullu kinguneqarluartussamik nungusaataanngitsumik, minguitsitsinnngitsumillu ingerlannissai anguniarpaa. Tamanna qulakkeersinnaavarput, atuinitsinni avatangiisinut minguitsitsinaveersaarneq anguniarlugu najoqqutassiornitsigut, ilisimasatsinnik, misillitakkatsinnillu siammarterinitsigut, aammalu sulisutta, pisiffisartakkatta, atuisuttalu akisussaasuseqartumik sapinngisamik minguitsitsinnnginnissaannik periarfissinnerisigut. 2015-imi taama sulineq ingerlaqqippoq, avatangiisillu mianeralugit sulineq, aningaaserivimmik aningaasartuutikillisaanermik, sulisut pigiinnarnissaannik, sulilerusuttoqalernissaanillu,

kiisalu atuisut aningaasaleerusuttullu amerlinissaanik suliniarneq, aammalu pisortanik, pilersuisunillu suleqateqarneq annertusarneqarput.

GrønlandsBANKEN taamaammat atuisuni mingutsitsinngitsunut aningaasaliinissaannut periarfissinniarlugit suliniuteqarpoq. Tamanna ilaatigut avatangiisinut atatillugu taarsigassarsineq Nutarsaaneq aqputigalugu ingerlapparput, tassani atuisut 300.000-it angullugit erniakitsunik taarsigassarsinnaallutik. Inuit ataasiakkat, inuussutissarsiutinillu ingerlataqartut soorlu kissarsuutitoqartik taarsersinnaavaat, illortik oqorsarlugu, matut igalaallu taarsersorlugit, nutaamik illu qalisserlugu imaluunniit seqernup nukinganut atortulerlutik il.il. 2015-ip naanerani inuit 314-it Nutarsaaneq atorlugu taarsigassarsisimapput, 2014-imi 257-iullutik, 2013-imi 189-iullutik.

Aningaaseriviup biillimik mingutsitsinngitsunik energiklasse A-miittunik pisinermi taarsigassarsinermik periarfissiissutaa Minguik-mik taasaq nuannarineqaleriartorpoq, ilaatigut 2015-imi ukiup naanerani 156-it taarsigassarsisimallutik, 2014-imi 82-it, 2011-imi 31-it. 2015-imi ukiakkut avatangiisit mianeralugit taarsigassarsinermik periarfiarfissat marluk erniai atsaat taama apparneqartigaat 2,90 %-inngorlugit.

GrønlandsBANKEN nammineq nukissiuutit mingutsitsinngitsut atornissaanut malitassatut siuttuuvoq. Assersuutigalugu 2014-imi aningaaseriviup illuutaani pingasuni seqernup nukinganik tigooraassutit pingasut



*"Maniitsumi avatangiisit mianeralugit taarsigassarsisitsisarnerit nuannarineqaat. Atuisugut innaallagissamut sipaaruteqalersarput, namminersortullu suliassaqalersarlutik. Tamar-millu avatangiisinut iluaqutaasarput."*

**Ane Katrine Lyberth**  
Maniitsumi immikoortortami  
pisortaq

ikkussuunneqarput, 2015-imi taakku Nuummi aningaaseriviup innaallagissamik atuinerata 7,34 % -ia pilersorpaq, Maniitsumilu 27,19 % -ia, Aasiannilu 49,23 % -ia angullugu pilersorlugu. Maniitsumi Aasiannilu piffissap ilaani allaat seqernup nukinganik tigooraasut sippuullutik tigooraasarsimapput, taakkunanilu sinneruttoq Nukissiorfinnut tunineqartarsimavoq, illoqarfiullu innaallagissamik atuineranut ilanngunneqartarsimallutik. 2015-im kisitsisit takutitsilluarput. Misilittakkat taakku aallaavigalugit, aningaaserivik Sisimiuni, Ilulissani, Qaqortumilu aningaaseriviit seqernup nukinganik tigooraasusernissaannut aningaasaliisimavoq. Pilersaarutit malillugit taakku 2016-ip ingerlanerani ikkussuunneqassapput.

Aammattaq aningaaseriviup illuutai ingerlaavartumik nukinnik atuineri naleqqussarneqartarput. 2013-imi 2014-ilu Sisimiuni Ilulissanilu immikoortortaqrifiit tamakkiisumik nutarsarneqarput, 2015-imi Qaqortumi immikoortortaqrifiit nutarterneqalerluni. Upernaaq 2016 naatsorsuutigaarput kujataani immikkortortaqrifiit nutartigaq ammassallugu.

GrønlandsBANKEN avatangiisit minguitsuutinnissaanut suleqatigiiffimmu Saligaatsoq – Avatangiiserik-mut ilaavoq, taannalu CSR Greenland-ip pilersissimavaa, siunertaalluni suliffeqarfiit, piginnaasallu akimorlugit, Kalaallit Nunaani avatangiisinut suliniutinik ataqatigiissaarisussanik suleqatigiisitaliortarnissaq il.il. Katersuuffiup taassuma ataani

GrønlandsBANKEN allat suliffeqarfiit 6-it peqatigalugit, avatangiisit pillugit pilersaarusiukkamik aqutsinissamik ukiuni 3-ni suleqatigiinnissamik isumaqatigiissuteqarfigai. Suliniut ateqarpoq Clean Greenland – Green Companies, ataqtigiissarneqarlunilu CSR Greenland, WWF Verdensnaturfond-ilu suleqatigalugit.

Taassuma saniatigut GrønlandsBANKEN Saligaatsoq-aqutigalugu, siusinnerusukkut oqaatigineqartut ukiumoortumik saleersuarnermi peqataasarpoq, taannalu siullermeersumik aningaaseriviup immikkoortortaqrifiini tamani 2015-imi ingerlanneqarpoq. Nuummi aningaasevimmi sulisut aamma silami biilnik innaallagiatortunik takutitseqataapput, biilip taassuma energiklasse-A-usup avatangiisinut, aningaasatigullu iluaqutissartai tusarliunniarlugit. 2014-imi CSR Greenlandip suleqatigiisitaa Saligaatsoq Nunat Avannarliit Avatangiisinut nersornaasiuttagaanut innersuunneqarpoq – ilaatigut ukiumoortumik saliisitsinersuarmik aaqjissuussisarnera pissutaalluni.

Aningaaserivik aamma CSR Greenland-ip ataani suleqatigiisitami, ulluinnarni allaffeqarfinni sipaarniuteqarnissamik suliniuteqartumi peqataatitaqarpoq. Tassunga atatillugu 2015-imi plakati sanatinneqarpoq, avatangiisinut iluaqutaasinnaasunik siunnersuutunik pitsaasunik 7-inik imaqartoq. 2015-imi ukiakkut plakati Kalaallit Nunaanni tamarmi suliffeqarfinnut, pisortat allaffeqarfiinut, atuarmeqarfinnullu siammarterneqarpoq.

GrønlandsBANKENip ulluinnarni avatangiisinut suliniutai avatangiisinut ataqtigiisaarisumit/suliniummot aqutsisumit, aammalu suleqatigiisitamit sulisunit avatangiisinik soqutiginnittunik inuttalimmik isumagineqarput. Illuutitut akisussaasoq, atortussanillu pisinermik akisussaasoq aalajangersimasumik suleqatigiisitamut ilaasortaapput. Aningaaseriviup immikkoortortai tamarmik avatangiisinut suleqatigiisitamut aallartitaqarput, taakkulu Clean Greenland – Green Companies-ip suliniutai, pilersaarusiornera, aningaaseriviullu avatangiisinut suliniutaasa allat ataqtigiissaarneri suliarai.

Avatangiisinut suleqatigiisitap 2014-imi aningaaseriviup avatangiisinut suliniutai tamaasa katersorpai, atuinerullu nakkutiginnera, nalunaarsornera aallartillugu. Paasissutissat, avatangiisit sunniutaasa pingaarnerit nalilersorneqarneri, iliuuserisinnaasat, 2015-imullu annikillisaanissamat pilersaarutit Avatangiisinut nalunaarusiami allanneqarput. Suliniutit ilaat 2014-imi aallartereerput, ilaatigut seqernup nukinganut atortussat, print- aamma pappiaqqanut tunngasut, aamma toqqorsivinni – pisisarnernilu aqutsinerup allannortinnerinut tunngasut. Pappiaqqanik ataatsimoorluni aviiseqarnermiit, aningaaseriup kantiinani ataatsimoorussanik iPad-eqalernerq 2015-imi nutaaliornernut ilaapput. Aningaaseriviup printerisarnera Papercut-atorlugu qiviassagaanni, tassani anguniagaavoq 2016-imi 20 % -imik annikillisisinissaq. Taakku saniatigut siunertaavoq, pisisarnermi, toqqorsivinnillu sukannernerusumik



*“Seqernup nukinganik atuineq  
sukkasuumik  
iluanaarfiusarpoq.  
GrønlandsBANKEN  
siunnersuiinnarneq ajorpoq,  
namminerli seqernup  
nukinganik atuisuulluni.”*

**Jørgen Aarup Jensen**  
Illuutitut akisussaasoq





*"Angerlarsimaffeqanngitsut aningaaseriviup nerisassanik sinninik pajuttarnera iluareqaat, taamaammat aalajangerpugut, nerisassat ikilisinnagit atuarluarnerusassallugit."*

**Maja Heilmann**  
Sullissinermi ikiorti

aqqutsinikkut, avatangiisinullu mianerinnilluni pisisarnikkut, ungasinnerusoq isigalugu pappiaqqanik, allaffimmilu atortunik atuineq, il.il. 5-10 %-imik annikillisinneqassasut.

GrønlandsBANKENip anguniarpaa avatangiisini suliniarnermini piginnaasanik atorluaanissap ilaatinnissaa. Asserssuutitut ilaavoq ullormut qitiusumik allaffeqarfiup kantiinani nerisassanik sinneruttunik Nuummi angerlarsimaffeqanngitsunut pajuttarneq. Angerlarsimaffeqanngitsut ornittagaaniit tamanna iluarineqaqaaq. Avatangiisinut suleqatigiisitap taamaammat aalajangersimavaa, aningaaseriviup nerisassanik sinneqartoortarnera pillugu annikillilerinnginnissaq, tunisineq inoqatinut immiini naleqarnerummat annikillisaanerminngaaniit.

GrønlandsBANKENip CO<sub>2</sub>-mik 2015-imik aniatitsinera 286,13 tonsiuvoq, 2014-imi 334,29 tonsiulluni. Siornamut naleqqiullugu aningaaseriviup aniatitsinera 14,4 %-imik annikinneruvoq. Suliniutitut taakkartorneqartut saniatigut, CO<sub>2</sub>-mik aniatitsinikinnerulerneq minnerunngitsumik 2015-imi timmisartornikinnerunermik aallaaveqarpoq. 2016-imi anguniarneqarpoq CO<sub>2</sub>-mik aniatitsinerup taamatulli annikitsigitiginissaa.

### 3.b. Inuit pisinnaatitaaffii

GrønlandsBANKENip siulersuisuisa 2013-imi akuersissutigaaq "Suaasutsikkut ikinnerussuteqartut pillugit politikki anguniakkallu kisitsisitallit". 2015-ip naanerani aningaaseriviup ataatsimeersuarnerani toqqagaasut akornanni arnat 16,67 %-iupput, angutillu 83,33 %-iullutik, tassa arnaq ilaasortaq tunuarmat, arnarlu alla ilaasortanngorluni. Siulersuisut anguniarpaat, ataatsimeersuarnermi kingusinnerpaami 2017-imi siulersuisussatut toqqarneqartartut arnat 33 %-inngussasut.

Aningaaserivimmi pisortat akornanni siunertaavoq aqutsisuni arnat angutillu amerlaqatigiilernissaat. Aningaaseriviup sulisuisa kikkugaluunilluunniit nalussanngilaat, naligiillutik suliffimmini qaffakkiartorlutillu, pisortanngorsinnaallutik. Pisortat 2015-ip naanerani inissisimanerisa agguataarneri naligiingajapput, tassa 45 %-it arnaagamik, 55 %-illu angutaallutik. Aningaaseriviup anguniarpaa, aqutsisut suaasutsimikkut nikinganeri minnerpaamik 40 %-iusassasoq.

2015-imi GrønlandsBANKEN aamma inuit attaveqaataannut politikkilorsimavoq. Politikkimi siullermik sulisup kiffaangissuseqarluni oqartussaana, internetikkullu uumisaarneqannginnissaa qulakkeerniarneqarpoq. Inuit tamat attaveqaataanni naleqqutinngitsumik iliuuseqarnerit atorfeqartumut kinguneqarsinnaaneri pissutigalugit, politikkimi erseqqissarneqassaaq najoqqutassiortoqarlunilu pissuserissaarnissamat tunngasunik. GrønlandsBANKENi siornatigut politikkiliasimasumik malitassaqqanngilaq, taamaammallu taanna suli suliarineqarpoq. Politikki aningaaseriviup

Isumannaallisaanermut- Suleqatigiinnermullu ataatsimiititaanut 2016-ip aallartinnerani saqqummiunneqassaaq.

GrønlandsBANKEN-ip CSR-imik suliaqarneranut ilaasoq alla tassa, FN-ip inuit pisinnaatitaaffiinik aalajangersagai pilersuisunik isumaqatigiissutinut ilanngunneqarsimammata. Tassani inuit pisinnaatitaaffiinik ilisimasat, atuutinneqarnissaanik akisussaaqataaneq attanniarneqarpoq. 2016-imi aningaaserivik pilersuisunut attaveqarniarpoq, pilersuinermi UN Global Compact -imut pisussaaffiit malillugit nutarterinissaq siunertaralugu.

### 3.c. Sulisut pisinnaatitaaffii

#### Ilinniarneq piginnaasanillu ineriartortitsineq

Sulisut GrønlandsBANKENip avammut kiinarai, sulisullu taakkuupput ulluinnarni aningaaserivimmik atuisunik qanimut attaveqarlutillu, atuisuuginnarnissaannik qulakkeeriniittartut.

GrønlandsBANKENip taamaattumik ilinniartuuteqarnikkut, ilinniaqqitsitsinikkut, pisortassanillu pikkorissaanikkut, aammalu sulitugaluni "on the job training"-ikkut piginnaasanik ineriartortitsineq pingaartippaa. Ilinniartitsinermi sulisut ineriartortinnerat, sulinerminnilu qaffakkiartornissaasa pilersaarusionerat, aammalu aningaaseriviup sulisortaarniarnera, sulisumilu piginnaasaqarluartut tiggummiinnarnissaat, sumiiffinnilu sulitugaluni ilinniartoqartitsisinnanera pineqartarput

GrønlandsBANKENimut pingaaruteqaaq aningaasaqarnermut ilinniarsimasunik sulisoqarnissap qulakkeernissaa, 2014-imilu aningaaserivik Nuummi Niuernermik Ilinniarfimmik aningaasaqarnermut ilinniartunik 8-nik ilinniartoqalerpoq, Ilinniartut sisamat Nuummi ilinniartuupput, allallu sisamat sinerissami immikkoortortani ilinniartuullutik. Ilinniartut ilinniakkaminnik 2016-imi aasakkut naammassinninnissaat naatsorsuutigineqarpoq.

Ilinniartuuteqarnerup saniatigut aningaaseriviup inuusuttut aningaasarsionermik ilinniagaqareersimasut, sulitugalugalutik ilinniaqqissinnaaneramik periarfissiinera iluatsilluaqaaq. Maannamut taamatut ingerlatsisut trainees-it 4-it siunnersortinngorsimapput, aningaaserivillu 2015-imi trainee-mik nutaamik atorfinitsitsisimavoq, taannalu aasaq 2016 naammassissasoq naatsorsuutigineqarpoq.

Aningaasarsionermik ilinniarneq qaffassarumagaanni, ukiut marluk ilinniagartuutut ilinniartoqarsinnaavoq, ilinniartullu siora aallartittut ilaat 4-it taama ilinniarput. 2015-imi sulisut marluk aamma naatsortsuutininik,



Suliffeqarfimmik inooqa-taanermi akisussaaqataasumik ingerlatsinitsinni, pisiffigisartakkagut piuffigisarpagut uatsitut ilioqqullugit. Taamaammatt 2016-imi taakku-nunnga isumaqatigiissutigut nutartissavagut, tassuunalu, inuit, sulisartullu pisinnaatitaaffii, avatangiisillu pingaartissallugit.

**Carsten Th. Pedersen**  
Aqutsisoqarfimmi pisortaq

anigaasanillu aqutsinermik HD-mik ilinniarnertik ilimmarfimmi angusiffigaat. Pisortassanik ineriartortitsineq nukittorsarniarlugu, Ilulissani immikkoortortatsinni pisortartaaq pisortatut ilinniartinneqarpoq.

Taakku saniatigut aningaaseriviup avataaniit ilinniartitsinermut periarfissat qaffasissut atortarpai. Soorlu 2014-imi aningaaseriviup Finanssektorens Uddannelsescenteri ukiuni marlunni immikkut ilinnartitsinissamik isumaqatigiissuteqarfigaa. Aningaaserivimmi sulisut pingasorarterutaat (40-it tungaanut) aqutsisullu tamarmik, atuisunik siunnersuineramik – kiffartuussinermillu ilinniartinneqarsimapput, aammalu immikkoortortani tamani coach-inik suleqatiminnik ulluinnarni suliaminnut atatillugu siunnersortarialinnik siunnersuisinnaasunik peqarlutik.



*“Tuluttut ilinniarninni aningaaserinermi oqaatsit atorneqartartut ilikarpakka, taamaalillungalu nunat allamiut, takornarissallu sullissinnaalerlugit.”*

**Gudrun Rasmussen**  
Sullissinermi ikiorti

Sulisut ineriartornissaat siunertarlugu oqaloqatiginninnerni tamani sulisut tamarmik oqaatsinik piariaqartitsinerminnik aperineqartarput (kalaallisut, qallunaatut/imal tuluttut) sulisullu piumasut Inuusuttissarsionermut immikkoortortamiittut, Nuummiittullu 2015-imi akunnerit 30-it tuluttut ilinniartinneqarsimapput. Taakku saniatigut Aninaaseriviup Call Centerianiittut, saaffiginnittarfinnilu sulisut 2014-imi tuluttut ilinniarsimasut, ilinniarnitik nangissimavaat. Taamaalillutik sulisut tamaasa agguaqatigiisikkaanni, sulisoq ataaseq akunnernik 12-inik ilinniarsimavoq. Aamma Qaqortumi sulisut tamarmik 2015-imi akunnerit taama amerlatigisut tuluttut ilinniarsimapput.

Sulisut pingasut 2015-imi suliniutinik aqutsinermik pikkorissarsimapput (marluk tunngaviusumik PRINCE2 Foundation-imek – ataaserlu PRINCE2 Practitioner-imut ingerlaqqitussanngorluni). Ukiup ingerlanerani Nuummi Qaqortumilu sulisut arlallit aamma CSR Greenland-ip pikkorissaaneritut peqataasarsimapput

2015-ip naanerani sulisut katillutik 118-iupput. Sulisut ukiui agguaqatigiisillugu 47-voq, sulisunilu 76-it anigaasaqarnermik imaluunniit sivilisunerusumik ilinniakkamik ingerlatsisimasuullutik.

## **Sulinermi avatangiisit, isumannaallisaaneq, peqqinerlu**

Sulinermi avatangiisit pitsaasuutillugit, ulluinnarnilu toqqissimasumik sulisoqartillugu sulisut atuisullu aningaaseriviup illuutaani ilorrisimaartarput.

Sulinermi ajoqusersimallutik 2011-mi nalunaartut 5-iupput, 2012-imi 4-llutik, 2013-imilu 9-ullutik. 2013-imi kisitsisit qaffasinneranut pissutaavoq, immikkoortami oqoqarsimanera - taannali erngerluni iluarsineqarpoq, sulisullu tassani ataavartumik napparsimalersortaqaratik. 2014-imi nalunaaruteqartut 3-innaapput, 2015-imilu nalunaaruteqartoqarani. GrønlandsBANKENimi 2015-imi ullut napparsimaffiit amerlisimapput (786-iullutik), 2014-imut (ullunut 655-inut) naleqqiullutik amerleriarlutik, tamatumunnga pissutaavoq sivilisuumik timikkut nappaateqarnerit, ataasiakkallu stresserani. 2013-imi napparsimaffiit 719-

iupput, taakkuli tamarmik natersuarnut attuumassuteqarsimallutik. 2013-imi ullut napparsimaffiit 719-iupput, 2012-imi ullut 603-iullutik, 2011-milu ullut 1207-iullutik. Suli anguniarniarneqarput ullut napparsimaffiit 500-inut appartinnissaat, taamaammamallu 2016-imi napparsimasarnermut politikki nutaaq suliaralugulu atuutilersinneqassaaq.

2012-imi aammalu 2015-imi upernaakkut, aningaaserivik suliffeqarfimmik naliliisitsivoq (APV-mik). Misissuinermi kingullermi 2015-imi akissuteqartut 85,7-iupput, tamannalu iluarisimaarnarpoq. 2012-imi misissuinermit sanilliullugu ukunani "timimut tunngasut", "suliffimmi atortut", "silaannaq", "tarnikkut avatangiisit", "aammalu"naammagisimaarinnineq ataatsimut" siuariarfiusimapput. Aammali ataasiakkaatigut allaffinni ataatsimoorussani unammilligassaqartuq erserpoq. Unammilligassalli annermik eqqiaanermut, kissassutsimut, silaannarissarfinnut, suermullu tunngapput, immikkoortortani isumagineqassallutik.

### Peqataatitsineq

GrønlandsBANKENimi suliassat amerlanerpaat suliarisinnaassagaanni, taava ilinniagaqarsimanissaq imaluunniit immikkorluinnaq ilinniaqqissimanissaq pisariaqarpoq, taamaammat siammasissumik peqataatitsiniarneq aningaaserivimmut unammillernartuuvoq. Taamaattoq suliffeqarfittut inooqataanermi akisussaaqataasutut, taamaaliornissarput periarfissaqartillugu pisussaaffittut pingaartutut isigaarput.

Taamaammat 2015-imi Kommuneqarfik Sermersooq suleqatiseaarput, inuusuttunut aammalu inersimasunut ilinniarnernissaminnik sulinissaminnilluunniit ajornakusoortitsisunut, sulinermik sungiusaasalernissamik, taakkuli allaffissornermik misilittagaqartuussapput. 2016-ip ingerlanerani suleqatigiinneq tamanna nalilersorneqarlunilu annertusarneqassaaq.



*"Aningaaserivimmi nuannaar-tunik piunassuseqartunillu sulisoqarusuppugut. Taamaammat suliffimmi avatangiisit timimut, tarnimullu pitsaasuunissaat pingaartip-parput, sulisut peqataatillugit, inuttut piginnaasatigullu ineri-artortillugit, aammalu inooqataanermi timersornermilu peqataanerannik tapersorsorlugit.*

**Patricia Lund Olsen**  
HR-imi pisortaq

### 3.d. Peqquserlunniginnissaq

Peqquserlunniginnissaq GrønlandsBANKEN sutigut tamatigut sulissutigaa, ilaatigut pinngitsaaliilluni akiliisitsinniginnissaq, akilersilluni peqquserluttoqannginnissaa eqqumaffigineqarluni. Taamaattumik GrønlandsBANKEN 2014-imi tunissuteqarnermut politikkeqalerpoq, maleruagassiorneqarluni suut tunissutit sulisut tigusinnaaneraat (aammalu qanoq nalillit). Politikki aamma kiffartuussinermi periusissaq aalajangersarneqarpoq, soorlu akineqarluni akilerneqarnissaq naatsorsuutigineqaraangat.

2014-imi aamma [peqquserlunginnissamut politikki](#) akuerissutigineqarpoq, tassanilu makku akuersaangilluinnarnissaat aalajangerneqarput: nammineq soqutigisat aallaavigalugit imminut iluaqutissarsineq, akilersilluni peqquserlunneq, pingngitsaalilluni akiliisitsiniarnerit, peqquserlunnerit, tillinnerit, tunissutinik atornerluinerit, kammalaalersornerillu.



*”Kalaallit Nunaanni sulisut suli-  
sitsisullu tamaasa pisariaqar-  
tippagut sulisinnaasullu nale-  
qarluartut annaanissaannut  
akissaqarata. Pisariaqar-  
tipparput kikkut tamarmik  
piginnaasatik malillugit taper-  
siinissaat – immikkulluunniit  
pisariaqaralarunik.”*

**Beate Møller Olsen**  
HR-imi ikiorti

Tunissutinut, peqquserlunginnissamullu politikki nutaaq aningaaserivimmi sulisunut tamanut 2014-imi ilinniartitsissutigineqarpoq. Aningaaserivimmi sulisut tamarmik, piviusumik aqqusaarneqarsinnaasut, akunnattoorfiusinnaasullu sungiusarpaat, politikkit nutaat marluk malillugit iliuuseqarsinnaangorlutik, imaluunniit pisariaqartitsilissagunik aqutsisuminnut saaffiginnillutik, siunnersorneqarlutilluunniit pisinnaaqqullugit. [GrønlandsBANKENip inuiaqatigiinni akisussaqaqataa nermut politikkia](#) aammalu [GrønlandsBANKEN-ip avatangiisinut politikkia](#) assigalugu [GrønlandsBANKENip peqquserlunginnissamut politikkia](#) tamanit atuarneqarsinnaavoq Banken.gl-imi. Politikkit suli maannamut unammillernartorsiorfiusimangillat.

I 2014-imi GrønlandsBANKENi sulisut naammagittaalliornissaaannut periutsinik ersarinnerusunik pilersitsivoq, naammagittaalliutigineqarsinnaallutik pisortat, qinngasaarineq, immikkoortitsineq, annersaaneq, uumisaarinerluunniit. Taamaaliornikkut suliffeqarfiup ataqqinartuunissaa qulakkeerniarneqarpoq, najoqqutassiallu GrønlandsBANKENip sulisunut quppersagaani nutaami ilaatinneqarlutik.

GrønlandsBANKENimi sullitatta maalaarutaat nalunaarsorlugillu, nakkutigisarpagut, sapinngisamillu pitsaanerpaamik, oqimaaqatigiissumik naapertuuttumillu

sullinnissaat anguniarlugu, paasissutissiisarnerpullu pitsanngorsarniarlugu. Aningaaseriviup anguniarpaa maalaarutit suliassangortitat inatsisit atuuttut malillugit sularinissaat, aningaaseriviullu taarsigassarsiniarnerit, assigisaanullu qinnuteqaatit itigartinneqarneranut tunngavilersuutit sullitanut paasinartuutinnissaat.

2015-imi maalaarutit tigusagut 17-iupput. Qulingiluanik 2014-imiit ikinnerupput, 2013-imiillu marlunnik ikinnerullutik. Maalaarutini 17-imi pingasut iluutsunik ilaannakortumilluunniit akuerineqarput, tassalu 2014-imiit maalaarutinit sularineqartunit sisamanik ikinnerullutik, 2013-imi maalaarutinit akuerineqartunit arfinilinnik ikinnerullutik. 2015-imittaaq nutaamik immikkut inuussutissarsiuutilinnut maalaarfimmik pilersitsivugut. Tassuuna suli maannamut maalaarummik tigusaqanngilagut.

2015-imi aningaaseriviup aningaasaliiffigaa, Transparency International Greenlandip, Global Corruption Barometerimut peqataanera. Taanna nunarsuaq tamakkerlugu misissuinerimik ingerlatsisartuuvoq,

pilersaarutillu malillugit 2016-ip aallartinnerani saqqummertussaalluni, kinaassusersiunngitsumik sakkussanik tunisisussaavoq, peqquserlunnerup, ersinngitsumillu sulinerup navianaataanik, ilisimasanik nutaanik tunisissalluni.

Taassuma saniatigut aningaaserivik piareersimavoq **whistleblower-inut aaqqiissummik** atuutilersitsissalluni, qallunaat aningaaserivii assigalugit. Ajoraluartumilli Kalaallit Nunaanni inunnut ataatsiakkaanut paasissutissanut tunngasunik inatsiseqanngilaq, taamaammallu aningaaseriviup Inatsisartut inatsisiliornissaat utaqqisariaqarallarpaa.

## 4. Aningaaseriviup inuiaqatigiinni akisussaaqataanermi sulineranik naliliineq

Kalaallit Nunaata tamarmi GrønlandsBANKiatut pingaartipparput, suliffeqarfitsinnik, inuiaqatigiinnilu naleqarnerulersitsillutalu, piujuaannartitsinermik aallaaveqarluta ineriartortitsinissarput, aammattaaq naammagisimaarinnittunik, tatiginartunillu sulisoqarnissarput, atuisoqarnissarpullu.

Aningaaseriviup suliffeqarfittut inuiaqatigiinnut akisussaassusilittut, najukkani pitsaasumik sunniuteqartutut isigineqarnera aamma alliartorpoq. Tamanna uppersarparput pitsaassutsimut tunngasumik ukiaq apersuilluni paasiniaanikkut kiisalu annertussutsimut misissuinikkut Komparativ Image Analyse i Grønland 2014 aammalu ukiumoortumik atuisut naammagisimaarinninnerannik misissuineq 2015-imeersoq aqqutigalugit.

Naammagisimaarinninnermik misissuinermi atuisut GrønlandsBANKENimut naliliisinneqartarput uuttuutit 1-miit 10-moortut atorlugit. Angusinnaasani 100-ni GrønlandsBANKEN 2015-imi atuisunit ataasiakkaanit pointit 79-it pissarsiarivai, pointillu 76-it inuussutissarsiortunit pissarsiaralugit. Taakku katikkaanni angusaq 77,5-iussaaq, taaannaavorlu 2015-imi anguniagaq. 2016-imit anguniagaavoq minnerpaamik tamatuma angoqqinnissaa, inuussutissarsiutinillu ingerlatsisunit nalilersuutigineqartoq assut qaffatsikkusunarluni.



*”GrønlandsBANKENimut uppersassuseq innarligas-saanninnerlu avammut ataveqarnitsinnut pingaaruteqarluinnarput. Taaamaammata peqquserlunninnissaq anner-tuumik nakkutigaarput, immi-nut iluaqusersinnaaneq, akiler-silluni peqquserlunneq, pinn-gitsaaliilluni akiliisitsiniarnerit, peqquserlunnerit, tillinnerit, tunissutinik atornerluinerit, kammalaalersornerillu.”*

**Martin B. Kviesgaard**  
Aningaaserivimmi pisortaq

## 5. Tabeli inernerit anguniakkallu 2011-2016

Ataani takuneqarsinnaapput inernerit 2011, 2012, 2013, 2014, 2015-imut aammalu 2016-imi anguniakkat.

			2011	2012	2013	2014	2015	2015	2016
			Inernerit	Inernerit	Inernerit	Inernerit	Anguniak kat	Inernerit	Anguniak kat
<b>Inooqataanermi piumassutsimillu suleqataaneq</b>									
	CSR Greenland	Akun-nerit	59 %	36,9 %	120,1 %	31 %	50	87,50	150
	CSR immikkoortortani	Akun-nerit	8 %	8,5 %	26,7 %	40 %	85	38,75	Reg. kode udgâr
	CSR-Peqatigiiffinni	Akun-nerit	9 %	2,4 %	57,4 %	337 %	Reg.kode udgâr	n/a	n/a
	CSR-Inooqataanermi piumassutsimillu suleqataaneq		-	-	-	-	250	491	450
	CSR-Aaqqissuusinerit angisuut	Akun-nerit	91 %	3,4 %	217,0 %	85 %	Reg.kode udgâr	n/a	n/a
	CSR - Arctic Winter Games 2016		-	-	-	-	400	319	900
	CSR – Aaqqissuisutut	Akun-nerit	25 %	51,4 %	0 %	28 %	Reg.kode unippoq	n/a	n/a
	CSR-imi suliat allat	Akun-nerit	36 %	63,7 %	104,2 %	160 %	100	400,17	100
	Mentor-eqarneq	Akun-nerit	34 %	19,3 %	25,0 %	Atunngilaq	Atunngilaq	Atunngilaq	Atunngilaq
	CSR-Aningaasaqarnermik paasisimasaqarneq	Akun-nerit	-	-	-	-	100	190	200
	<b>Akunnerit katillugit</b>		<b>28 %</b>	<b>24,0 %</b>	<b>66,9 %</b>	<b>114 %</b>	<b>1135</b>	<b>1527</b>	<b>1800</b>
<b>Siunnersorneqarneq aamma taarsigassarsisinaanermut</b>							n/a		
Tasiilaq	2-riarluni ukiumut	qassit	pilerpoq	100 %	1	2	2	2	2
Uummannaq	2-riarluni ukiumut		-	-	-	-	pisalerpoq	2	2
<b>Aningaasaqarnermik paasisimasaqarneq</b>									
	Ilinniartitsineq-atuarfinniinneq	Atuarfimiinnerit amerlanerit		OK	OK	Nutarterineq nammas sinerlu	Pulaarternerit nangipput	Pulaarternerit nangipput	Min. 50 atuarfimiinnerit
	Ilinniartitsineq-aningaasalerineq	Aallartip-poq		Suli naammassingilaq	Aallartip-poq	Naammassivoq	Naammassivoq	Ingerlavooq	Ingerlavooq
	Aallarnisaaneq-paarlaannermi siunnersorneqarneq	Akun-nerit		142	123	127	125	> 125	> 150
<b>Attaveqarfiiit oqaloqatigineri</b>									
Atuisut	Suliffeqarfik akisussaaqataasoq	Index mál	73	76	77,5	75,5	77,5	77,5	78
	Naammagisimaarinninnerat inuinnaat, inuusutissarsioritullu	index mál	71,5	68,5	70	74,5	74,5	72,5	75
	Naammagittaalliutit	qassit	19	16	19	26	n/a	17	n/a
Sulisut	Piginnaasatigut inuttullu ineriatornerat	index mál	73,67	73,3	71	72/74	72/74	75/77	≥ 75/77
	Sulisut naammagisimaarinninnerat	Index mál	77	79	79	79	79	80	80
<b>Sulineri avatangiisit sillimaniarnerlu</b>									
	Sulinnngittoornerit	ullut	1207	602,85	719	655	500	786	500
	APV	n/a		Naammassivoq	n/a	n/a	Ingerlanneqarp. 2015	Ingerlanneqarpoq	n/a
	Sulineri ajoqusernerit nalunaarutigineqartut	qassit	5	4	0 (9)	3	0	0	0
<b>Silaannaq / avatangiisillu</b>									
	Aningaaserivimmi nukissiuutini atuiq 2014-2016		-	-	-	334,29 t CO2 339 (257/82)	5 %-imik CO2-annikillivoq 2014	286,13 t CO2 annikillivoq 14,4 %-imik 470	< 250 t CO2
	antal		68 stk.	138	189 / 31		400	(314/156)	550

## Qisuariarusuttunut takanna

GrønlandsBANKENip inuiaqatigiinnut  
akisussaaqartaaneranut imaluunniit nalunaarummut  
apeqqutissaqarpit oqaasissaqarpilluunniit?

Sukkulluunniit attavigisinnaavatsigut uunga [csr@banken.gl](mailto:csr@banken.gl)  
imaluunniit:

GrønlandsBANKEN  
Att.: CSR-styregruppen  
Imaneq 33  
Postboks 1033  
3900 Nuuk